

Ndaa Cati Sedfa Nder Yimre Nde Malam Hassan Ahmadu Yusbi Wi'eteende:
JAHAANGAL KAWLAHA

1. Mi yettoyi jawmam tagdo tagdiji maako fu,
O halfitini khulafaa'u en faa kawlaaha,
2. Mi silminoyii laatido Baaba tageefo fu,
Mo albarka muudum koodme wangi to kawlaaha.
3. Mi silminoyii aalo kazaa non sahaabo'en,
He tokkiibii nden tokkiibi faa hewta kawlaaha.
4. Si baawo du'um ko nufiimi yimgo he yimre nde,
Mi wolwan habar sheyhuujo meeden to kawlaaha.
5. Nde min fuddi nango habar mo maako fa balde den,
Fa min sugli ngam seyoraago gondo to kawlaaha.
6. Famin fabbitay dabbigo habaruuji koo ndeye,
Fa haa Allah huncanimin ko laati to kawlaaha.
7. Fa min njari habaruuji di maako di tayrataa,
Fa haa Allah hoddiri jaaki wobbe to kawlaaha.
8. Fa Moodibbo Kari arti fa nden Yahya tokkimo,
Fa ben kandinaa to jahaale meeden to kawlaaha.
9. Fa nde Allah hoddirii Addibu me'en kadin,
Muhammadu Ahmadu juuroyaaki be kawlaaha.
10. Fa Allahu timmini niimo yela maako nden kadin,
O yaadi he Moodibbo Kari faa to kawlaaha.
11. Be fabboyi ton les Sheyhu meeden o weeri be,
Be njodii bo lebba tati he nder ngendi kawlaaha.

Page 1 out of 10